

TE HEHEURAA

API

Te A'vae Atete 1954

Te Poheraa o te Tamaiti Herehia Ra.

[Tai'o Mose 5:31-59]

Uiraa 1. Eaha na tumu e piti i faatupuhia'i te pupu huna taparahi taata?

Pahonora Ua faataahia teie ai'a piti nei ei haapiiraa faufaa rahi e ei vahi tamataraa no te mau tamarii a te Atua tei haapao i te ai'a matamua ra. Te titau nei te opuaraa, ia faaotihia te hoê mau ohipa e te taata nei i roto i teie oraraa. E ohipa poto a'e te reira ia ravehia ia e te hoê amuiraa rahi o te mau taata parau-tia, mai te pupu o Enoha te huru. E faatia ratou i te mau fare haapiiraa, e te mau hiero, e e rave ratou i te mau ohipa atoa ia haavi i te ao nei. No-reira teie na tumu e piti i roto i te ohipa a te tiaporo. (1 Ia faaiti i te taata i nia i te fenna nei na roto i te tama'iraa, e te taparahi-taata, e te mau ravea atoa ia haa-pohe-roa i te taata ra.) (2 Na roto i te poiri, e te haavare, e te feii, e te nounou, e te maroraa; e haaparare atu oia i te ino e te ohipa faufau i rotopu i te toe'a o te taata i nia i te ao nei, e ore e tia i te taata ia faaoti i te mau ohipa i faataahia no teie ai'a piti.) Te tumu i mana'ohia e Kaina e mea faufaa te pupu taparahi taata ia taparahi i te taata ia roaa mai te faufaa.

Uiraa 2. Nahea ra o Kaina a haaparare atu ai i te ohipa huna ra?

Pahonora Ua ora oia e ua faahanahana ia'na iho i te mana'o e; "Oia mau o Mahani au, te orometua rahi o teie ohipa huna ra. e tia'i ho'i ia'na taparahi, e ia roaa mai te faufaa. No reira, parauhia ihora Kaina o Mahani Orometua." (Mose 5:31,33)

Uiraa 3. E mea nahea te taparahiraahia o Abera? E ohipa-rave-huna-hia anei? E aore râ, e mea na roto ia i te hoê farereiraa taeae?

Pahonoraa Ua farerei noa o Kaina ia Abela i roto i te ana fenua. Tau'aparau ihora raua. Ua imi noa Kaina i te mau rave atoa ia pohe o Abela, ia tae a'e râ i te tahi taime area maitai, i reira, taparahi pohe roa atura oia ia Abela.

Uiraa 4. E riro paha ia ua huna o Kaina i te tino o Abela ia ore ia itehia ta'na hara i rotopu i te taata. Faa-rue atura oia i taua vahi ra. E i reira, eaha ia tei tupu?

Pahonoraa Na ô maira te reo o te Fatu, "Teihea o Abela to taeae?"

Uiraa 5 Ua nahea o Kaina i te pahonoraa'tu i te Atua?

Pahonoraa Ua riarua roa o Kaina, peneia'e ua itehia ta'na hara, e e tahoochia oia. Haru atura oia i te haavare matamua tei tupu i roto i to'na feruriraa. Pahono ihora oia e, aore au i ite, te tia nei au i to'u taeae.

Uiraa 6. E itehia anei te varua tatarahapa i roto i te parau a Kaina? Ua mana'o anei oia i te peapea, e te manui e tupu i roto i te aau o to'na na metua, ia ite raua ua taparahihia ta raua tamaiti here?

Pahonoraa Mai ia tatou nei te huru ia faahapahia ra, ua mana'o oia e, aita i tano te utu'a e te faahaparaa ta'na i farii ra. No te mea e, ua faahema mai o Satani ia'u no te mau nana a to'u ra taeae. E ua riri atoa van, o oe i farii i ta'na ô e aore i ta'u ua rahi ta'u utu'a, eita e tia ia'u ia faaoromai." Aita anei tatou i faaroo i te parau, aita e peapea no te mea ua rave oia i taua hape ra na roto i te taero ava e aore oia i ite ra, i te mea ta'na e rave ra. Noa'tu ua vare tatou i te haavare, e ua riri

tatou, e ua taero hoi tatou, eita te reira e faaore i ta tatou hapa. E ere ra te reira i te otoheraa parau-tia i mua i te aro o te Atua no te raveraa i te hapa. Aita roa Kaina i tatarahapa. Aita atoa oia i haapao ia vetahi ê. Hoê noa iho mana'o to'na: oia hoi ua rahi to'na ra mau ati.

Uiraa 7. Eaha te utu'a ta te Atua i tuu i nia ia Kaina?

Pahonoraa Na ô atura te Fatu, "E tena na, e Katarahia oe i te fenua e tei haamama i to'na vaha e farii ia i te toto o to taeae ta to rima i haamanii ra. Ia faaapu oe i te fenua ra, eita atura ia te reira e hotu mai na oe i to'na puai. E riro oe ei oere e e ori haere noa oe i te fenua na." (Mose 5:36 37) Ua tuu atoa'tu te Atua i te tapao i nia ia Kaina, maere roa'tura Kaina no te mea ua ite te Atua i ta'na mau ohipa huna pau roa ra.

Uiraa 8. Tuatapapa mai na i te hurn o te oraraa o Kaina mai tana mahana maira?

Pahonoraa Ua oti ta Kaina ohipa o ta Lutifera i faaau ia'na ra. Ua riro oia ei metua no ta Lutifera mau haavare ra. E ua parauhia oia o te Pohe. Teie te ohipa ta Kaina i rave. Ua farii oia i te Antahu'araa, ua ô oia i roto i te man oro'a mo'a o te evanella; na tau'aparan i te Atua, ua farii i te heheuraa, e i reira, noa'tu ia i teie man mea, ua haere noa oia i roto i te medebara mai te opuaraa i te taparahi taata, e mai te patoi atu i te parau-tia e mai te faahapa atu i te Atua. Mai te poiri tei ore e au i te maramarama, ua horo ê atu Kaina e ta'na vahine, e to'na ra mau taeae i te fenua ê i te pae i te hitia o te râ i Edene ra. Ua tupu mau te parau a te Atua. Ua riro Kaina ei oere: e ua ori haere oia e to'na pupu taata na tana fe-

*Uiraa**Pahon**Uiraa**Pahon**Uiraa**Pahono*

nua ra. No reira i parauhia'i taua fenua ra o Noda (te ori haereraa te auraa), i te hopea ra ua patu ratou i te hoê oire.

Uiraa 9. Eaha te huru o te tapao ta te Atua i haamairi i nia iho ia Kaina? Ua mairi-atoa-hia anei te reira i nia i ta'na huraai?

Pahonoraa Ua tauhia te iri ereere roa i nia ia Kaina. E te vai noa ra te iri ereere i nia i ta'na huaai i teie nei â mahana. O Africa ia to ratou fenua ai'a.

Uiraa 10. Nohea mai te man varua tei tiahapa i roto i te man tino ma te iri ereere ra? O ratou anei tei faaea noa a tama'i ai o Mihaela e ta'na ra mau melahi ia Satani e ta'na atoa ra mau melahi?

Pahonoraa Aita tatou i ite papu i te tumu i fanauhia mai ai te hoê varua i America, e te tahi i Africa, e te tahi i Asia, e te tahi i te fenua Tinito. Ua ite râ tatou e, aita te hoê pae o te mau varua i faaea noa a vai ai te tama'iraa i te ra'i i te matamua. Ua turu ratou pau roa ia Mihaela, e aore ia Satani, te faataa nei hoi te evanelia, ua riro to tatou fanauraa i nia i te fenua ei utu'a no to tatou haapaoraa i ta te Atua i te ra'i ra. Ua tae te iri ereere i nia i te hoê mau taata o te ao nei na roto i ta to ratou mau metua patoiraa i te mana no te Autahu'araa e te maramarama o te evanelia.

Uiraa 11. Eita roa'tu anei te huaai o Kaina e farii i te Autahu'araa?

Pahonoraa E mea pinepine te Atua i te haapae i te haamaitairaa e tae roa'tu ua ineine te taata ia farii oia i te reira. Ua faataa te Atua ia vai te tapao i nia i te huaai o Kaina e tae noa'tu ia faaorahia te huaai o Abela, Eita roa ratou e farii i te Autahu'araa e tae noa'tu i taua taime ra. Te vaira

te mahana e tia ia ratou ia farii i te mau haamaitairaa tei noaa ia tatou nei.

Uiraa 12. Ua mau anei Kaina i roto i to'na toro'a o Mahani Orometua, te upoo o te pupu huna ra, e tae noa'tu i to'na ra poheraa?

Pahonoraa Aita roa. Te na ô maira te parau mo'a, "I tapu na hoi Lamaha ia Satani; mai ta Kaina ra, i riro mai ai oia o Mahani Orometua; te orometua rahi ia o tana ohipa huna rahi tei tuuhia'tu ia Kaina ra e Sataui; (Mose 5:49)

Uiraa 13. Eaha te huru o te huaai o Kaina? E man taata pouri e te ite ore ratou?

Pahonoraa E mea maramarama ratou. E man taata tei parahi i te tiahapa e e man tia puaatoro te hoê pae o ratou. E mea ite te tahi pae i te faaoto i te Kinura e te vivo ra. E orometua paari te tahi o ratou i te man ohipa veo e te auri.

Parau No Te Fanauraa O Mose

[Exodo 2]

E haamaitairaa rahi tei fariiha e te huaai o Iakobo i to ratou tiahaparaa i te fenua Aiphiti. I roto i te area 430 matahiti a tiahapa'i ratou i nia i tana fenua ra, na fanau maira na huaai e hitu ahuru o Iakobo o tei faarue atu i to ratou fenua ai'a mau, i te hoê nunaa rahi.

A tere ai tera matahiti e tera matahiti, a tani ai te huru o te mau faatereraa a tera arii e tera arii, ua aramoina oioi-roa-hia a'era te ohipa i ravehia e Iosepha i nia i te fenua Aiphiti. E i roto i tana mau taime ra, ua haamata ihora teie nei nunaa tumu no Aiphiti i te feii atu i te nunaa faaroo, oia hoi, te nunaa o Iseraela. I tana mau matahiti ra, i to te mau arii iteraa e te rahi noa'tura teie nei nunaa faaroo, ua mata'u ibora ratou i te haru atu teie nei

nunaa i te mau faatereraa o te fenua, e ia riro atu ei mau upoo faatere i nia i te fenua Aiphiti.

Ia tae a'era i te hoê mahana, ua parau maira te arii o Aiphiti "Inaha, teie nei mau tamarii a Iseraela, e feia rahi ratou e te itoito hoi i to tatou nei, ahiri e ravea paari ta tatou ia ore ratou ia paari! I reira, ua titau ihora oia i to'na ra nunaa ia faariro i te nunaa o Iseraela ei tîti na ratou Inaha, mai taua taime ra, ua topa ihora teie nei nunaa faaroo i raro a'e i ta ratou ra mau faatereraa. Atira noa'tu, ua riro ratou ei mau tîti no te nunaa o Aiphiti, ua rave itoito noa ihora te mau tamarii o Iseraela i te ohipa, noa'tu te huru o te mau faatereraa. I taua tau ra i te fenua Aiphiti, ua topahia te i'oa o te hoê arii o Pharao. E i te mau taime a tupu ai taua mau fifi ra, ua titau ihora teie nei arii ia hamani te nunaa o Iseraela e piti na oire vairaa tao'a, Pitonia e Ramesa.

Ia hi'ohia ra, e au ra ia e ia rahi noa'tu te mau ohipa e ravehia e te mau ati Iseraela, ua riro te reira ei faahoturaa ia ratou. Ua faataahia te mau huru ohipa fifi, paari atoa na ratou, area ra, aita roa te reira i faatupu i te hoê amahamaharaa i rotopu ia ratou.

Ua tupu te fifi i roto i te aau o te arii i taua mau taime ra. Eaha te mau ravea ohie a'e no te haamouraa ia ratou. I reira ua roaa maira i teie nei arii te hoê mana'o ino. E haamata ia oia i te haamouraa i taua nunaa nei na roto i te taparahiraa i te mau tamarii tamaroa Ati Hebera fanau api.

E oto rahi tei tupu i roto i te aau o te mau metua vahine i te taime i faauehia'i teie nei ture i roto i te fenua Aiphiti. Area te nunaa mau o Aiphiti ra e taiâ rahi ia tei tupu i rotopu ia ratou no te taparahi atu i teie nei nunaa, inaha hoi te mata'u ra ratou i te Fatu. Ia faaroo a'era o Pharao i taua mau mea nei, ua tupu ihora to'na riri e ua titau

etaeta ihora oia i to'na nunaa ia haapao tamau noa i taua faaueraa ua'na ra. Mai taua taime ra, ua faaroohia a'era te reo no teie nei arii i te na ôraa e: "Te mau tamarii tamaroa atoa ia fauau ra, e rave outou e titiri i raro i te pape, area te mau tamarii tamahine ra, e faaora ia outou.

I te hoê mahana, ua fanauhia maira te hoê tamarii tamaroa no roto i te opu no Levi. E aiu iti herehia teie e to'na ra metua vahine, e na tamata noa ihora oia i te huna atu i ta'na ra aiu i te mata no te mau enemî. E toru marama i muri mai, ua mata'u ihora teie nei metua vahine i te taparahi-atoa-hia'tu ta'na ra aiu e no reira, ua opua ihora oia i te imi i te hoê ravea no te faaoraraa i taua aiu na'na nei. Ua hamani ihora teie nei metua vahine i te hoê pahigima, e na tuu ihora i taua aiu nei i roto. Ia tae a'era râ i te taime a haere mai ai te tamahine a te arii e hopu i te pape, ua tono atura teie metua vahine i ta'na tamahine i te hiti no te pape no te hi'oraa'tu i te ohipa e tupu, e i reira, ua faapainu maira oia i teie nei poti.

Te hopuhopu ra teie nei tamahine arii i te pape e to'na atoa ra mau tavini vahine e inaha, ua ite atura oia i te poti i rotopu i te mau raau pape i te hiti o te anavai. Ua maere ihora oia no te reira, e ua tono atura i te hoê o ta'na ra mau tavini ia tii atu i taua poti ra. E poti iti nehenehe taua poti nei, e e poti tapoi-maitai-atoa hoi. I te taime teie nei potii arii i iriti ai i to'na ra tapoi, ite ihora oia i teie aiu i roto. Inaha, oto ihora oia, e ua fariu atura oia i ta'na ra mau tavini vahine, ua parau atura oia, "Te hoê teie o te mau tamarii Ati Hebera nei."

I taua taime atoa ihoa, ua horo maira te tuahine no teie nei aiu e ua parau maira, "E tii anei au i te hoê utau no te mau ati Hebera ei hii i te'na na tamaiti na oe na. Ua pahono maira taua potii arii ra i te na ôraa e, a tii!

tua v
taime
oa i
tana t
na'u
teie n
mai t

fare
na ta
o Mos
ia i fa

atoa
neher
Hose

na ra
mau
(Hose

“

Saba
no te
nei, c

i te r
Saba

Ua horo atura teie nei tamahine e farerei i to'na metua vahine, e ua faaite atura ia'na te ohipa i tupu. E i taua taima poto ra, ua tae maira teie metua vahine ma te aa oia i mua i te aro o te tamahine arii, e i reira ua parau maira tana tamahine ra ia'na, "E hopoi oe e hii i teie nei tamarii, na'u e hopoi atu i ta oe na utu'a." I reira ihoa, rave atura teie nei metua vahine i taua aiu na'na nei, e ua hii ihora mai te au i te faaueraa.

I taua mau taima ra, ua afaihia'tura teie nei aiu i te fare no te tamahine a Pharao, e ua riro maira oia ei tamaiti na taua potii arii nei. Ua topahia ihora te i'oa o teie nei aiu o Mose, inaba hoi mai te au i te parau a teie nei potii, na'na ia i faaora mai i taua aiu nei no roto mai i te pape.

"To Iseraela Sabati I Ore."

Ia ite tatou e, ta te ture a Mose, e ta'na mau Sabati atoa hoi, ei orometua ia ia aratai ia tatou i te Mesia ra, e nehenehe ia tatou ia ite i te tumu ta te Fatu i faaue mai ia Hosea ia tohu e, e faaore te Fatu i to Iseraela mau Sabati.

"E faaore atoa hoi Au i to'na mau mea arerea, i to'na ra mau mahana oro'a, e to'na ra marama api e to'na mau "Sabati", e to'na ra mau amuiraa rahi mo'a ra." (Hosea 2:11)

"E Sabati Api, Te Mahana O Te Fatu."

E ua ite te Faaora e, te vai ra te taima, e tauhiahia'i te Sabati. "Ua na ô â hoi Oia ia ratou i haapaohia te Sabati no te taata, aore te taata i haapaohia no te Sabati; E teie nei, o te Fatu atoa ia o te Sabati te tamaiti a te taata nei.

Aore Iesu i haere mai ia faaore i te ture, e faatia râ i te reira. No reira, na roto mai ia'na ra, i faatiahia'i te Sabati o te Ati Iuda, e te toea o te ture a Mose atoa hoi, o

te orometua ia e aratai ia tatou i te Mesia ra. Ia Iesu i tae mai ai, ua riro Oia ei Fatu no te Sabati. O Oia iho tei faaite mai ia tatou e, ua tae mai Oia no te faatia i te ture.

“Eiaha e mana’o e, i haere mai Au e faaore i te ture, e te mau Peropheta; Aore Au i haere mai e faaore, e faatia râ. (Mataio 5:17)

No reira, te ite nei tatou e, ua tae mai Iesu ia faatia i te ture. Eaha râ te tumu, te hinaaro nei te vetahi mau taata ia haapao i te reira. Aore anei ia ratou i hinaaro ia farii i te mau mea ta Iesu i afai mai ia mono i te ture a Mose e te Sabati api, oia hoi, te mahana o te Fatu ra, (Sabati) te mahana ta Iesu i tia-faahou-mai mai roto mai i te menema ra.

Ua papai Ioane, te pipi here a te Fatu, a parahi ai oia i nia i te fenua Patamō, i te na ôraa mai e,

I riro vau i te varua i te mahana o te Fatu ra, e faaroo a’era vau i te hoê reo rahi i muri a’e ia’u ra, ma te oto pû ra. (Apokalupo 1:10)

Eaha te tumu i mairihia’i te i’oa, te mahana o te Fatu i nia iho i taua mahana nei, mai te mea ra e, e ere râ i te mahana mo’a. A haamana’o atoa na i teie parau;

“O te Fatu atoa ia o te Sabati te tamaiti a te taata nei. (Mareko 2:2, 28) No te mea e, ua tauihia te Sabati e ua ite Paulo te Aposetolo e, e faahapahia te mau feia mo’a e te ati Iuda, no te mau ohipa ê ta ratou e rave nei e patoihia.

“E tena na, eiaha ei taata e faahapa noa’tu ia outou i te maa i amuhia ra, e inuhia ra, e te mahana oro’a ra, e te ava’e api, e te Sabati. (Kolosa 2:16)

Aita e faufaa i teie nei irava parau, mai te mea ra e, te haapao ra te feia mo’a i te Sabati a te Ati Iuda ra, tera ra, te faaite mai nei Paulo ia tatou e, e faahapahia ratou e te Ati Iuda i te mea, ua tau ratou i te Sabati a te Ati Iuda e te tahi atu â mau mea ra.

U

haapa
tia-fa
setolo
atu ia
13:13

tou e,
ratou
o te m

ma ra
ni i te
tia no
outou.

te fare
nihia
ora na

ia ha
a’o at
mau r
20:7)

ra, o t
na rei
doma
moni
ia’na
(I Ko

Ua Haamori Te Feia Mo'a I Te Mahana Matamua O Te Hebedoma.

Aita hoê papaa parau o tei faaite mai ia tatou e, ua haapao te Feia Mo'a i te Sabati o te Ati Iuda i muri a'e i te tia-faahou-raa o te Faaora. Tera râ, ua farerei te mau Apisetolo i te ati Iuda i roto i to ratou mau Sunago ia haapii atu ia ratou i te evanelia a Iesu Mesia ra. (A hi'o Ohipa 13:13-44, 17:1-2)

Te vai noa nei te papaa parau o tei faaite mai ia tatou e, ua amui pinepine te mau Feia Mo'a ia haamori i to ratou Atua i te mahana matamua o te hebedoma, (Sabati) o te mahana ia ta te Fatu i tia-faahou-mai.

E i te abiahi o taua mahana matamua o te hebedoma ra, ua putuputu maira te mau pîpî, ua opanihia na opani i te mata'u i te Ati Iuda ra, ua haere maira Iesu i reira tia noa ihora i ropu, e ua parau maira ia ratou, ia ora na outou. . . (Ioane 20:19)

E rui yau a'era, tei roto faahou atura te mau pîpî i te fare, e o Toma atoa boi, ua haere maira o Iesu, ua opanihia na opani, ua tia maira Oia i ropu, ua parau maira, ia ora na outou. . . (Ioane 20:26)

E tae a'era i te mahana matamua o te hebedoma ra, ia haaputuputu mai te mau pîpî e vavahi i te pane ra, ua a'o atura o Paulo ia ratou, (ia poipoi a'e oia e reva'i), tamau maite atura ta'na a'oraa'tu e tui a'era te arui. (Ohipa 20:7)

E teie nei, i te parau i te tao'a aufau na te feia mo'a ra, o ta'u â hoi ia i poroi i te mau Ekalesia i Galatia ra, e na reira atoa outou. Ia tae i te mahana matamua o te hebedoma ra, e vaiiho a'e outou atoa e ati noa'e i te tahi pae moni i roto i te vairaa ra, ia au i ta te Atua haamanuiraa ia'na ra, e ia tae atu Vanu ra, eiaha ei aufa'uraa i reira. (I Korinetia 16:1-2)

E mea faufaaa rahi teie na irava parau i mua i te mea e, na tae maira te mahana Penetekose i muri a'e i te mahana Sabati a te Ati Iuda ra.

E tae mau atura i te mahana Penetekose, na tairuru maite a'era ratou atoa i te vahi hoê ma te hinaaro hoê. E aore i mahia, o te haruru maira no nia mai i te ra'i mai te mata'i rahi u'ana ra, i roa a'era te fare i parahihia e ratou ra. Ua fâ maira te arero maa ia ratou ra mai te ahi ra te huru, e faaea ihora i nia iho ia ratou atoa ra. E i a'era ratou atoa i te Varna Maitai, na parau ihora i te parau êê, i ta te Varna i horoa mai i te parau ia ratou ra. (Ohipa 2:1-4) (A hi'o Levetiko 23:15-16)

Te haapapu mai nei teie nei parau e, na farerei. e ua haamori atura te mau Feia Mo'a no nia i te mahana matamua o te hebedoma. (Sabati) te mahana o te Fatu, te mahana Ta'na i tia-faahou-mai mai te pohe maira. Aore te mahana hiru, te Sabati ia a te ati Iuda ra. Ua monohia te Sabati a te Ati Iuda e te Fatu mai te au i te tohuraa a te peropheta ra o Hosea. Ua faatia mau Iesu i te Sabati api, "Te mahana o te Fatu", e na riro mau ia oia "Te Fatu o te Sabati."

Ua Papaihia I Roto I Bibilia Hereni E, Te Mahana Matamua O Te Sabati Ia.

Te faaite mai nei te Bibilia e, te mahana matamua o te hebedoma, o te Sabati ia. Ua papaihia i na taime e vanu i roto i taua Bibilia nei. No reira, ahiri te mau feia o tei tatara i te Bibilia Hereni i roto i te mau reo êê, ma te hape ore, aita ia e vai nei i te anoinoiraa no nia iho i te Sabati mau. E no te aha ra, na parauhia te mahana matamua ra, o te Sabati ia, mai te mea e, e ere ia. E nafea ra te reira e riro ai ei Sabati mau ra? Maori râ mai te au i ta matou e faaite nei.

Tuatiraa,

Joe Orometua

Te

E
ia Danie
nei, vai

"

i raro a

In

7:25 e ta

"

ino i tei

hoi e ru

e hoê a'e

"

hia mai

amuhia'

e tahi, i

Te

te Feia

hoê tau

hoi e tua

I

hine ia r

mai na t

ra i to'n

vaehaa e

haere at

E

te mau h

ia parau

Ea

vaehaa?

E

ra, e ta

pene iho

vahine te

amuhia c

To Tatou Ti'araa.

Te Taivaraa Rahi.

(Tuatiraa)

Te 1.260 mahana

E ore te Taivaraa Rahi i tohuhia mai e te mau peropheta i tahito, mai ia Daniela e oia atoa te mau Aposetolo a Iesu Mesia, mai ta tatou i ite a'e nei, vai noa e amuri noa'tu. Te na ô maira te Koheleta pene 3 irava 1 e:

"E tau to te mau mea atoa nei, e taime to te mau mea atoa i imihia i raro a'e i te ra'i nei"

Inaha hoi, ahiri tatou i haamana'o i te mau parau tohu a Daniela 7:25 e ta Ioane i te Apokalupo 12:14

"Daniela 7:25. E te arii hoi no te reira o te parau ia i te parau faa-ino i tei Teitei ra, e pau hoi te Feia Mo'a no tei Teitei ra ia'na, e mana'o hoi e ruri ê i te taime e te mau ture, e tuuhia mai hoi ratou i ta'na rima, e hoê a'era tau e na tau hoi e te tau vaehaa."

"Apok. 12:14 E pue pererau e piti, no te hoê aeto rahi ra tei horoahia mai no taua vahine ra, ia mau e oia i te medebara i to'na ra vahi, e faa-amuhia'i oia ra, e ia hope te hoê tau, o e piti atu tau, e e maa tau vaehaa e tahi, ia mo'e te mata o te ophi ra."

Te ite nei tatou e, i roto i te parau tohu matamua, ua tuu te Atua i te Feia Mo'ai roto i te rima o te haamaniino, *"hoê tau, e na tau hoi, e te hoê tau vaehaa"* i roto hoi i taua mau tau nei e tamatahia ratou, e haavihia hoi e tuuhia'tu hoi i raro a'e i ta vetahi ê ra faatereraa o tei haamou ia ratou.

I roto i te piti o te parau tohu, ua tauturu te Atua o te ra'i i te vahine ia mau e atu mai nia'tu i te fenua nei tei reira te ophi o tei hurihia mai na te teiteiraa o te mau ra'i (irava 10) mai te afai atu i taua vahine ra i to'na ihora vahi ia faaamuhia oia *"hoê tau, e piti tau, e te hoê tau vaehaa e tahi, i roto hoi i taua mau tau nei no te riri rahi o taua ophi ra haere atura e tama'i i te toe'a o te hua'i o te vahine [irava 17]*

E teie nei te ite nei tatou i te tuearaa o teie na parau tohu nei na nia i te mau huru e tupu, e oia atoa na nia i te mau *"Tau"* e tia roa ia ia tatou ia parau e, *"hoê â teie na parau tohu."*

Eaha ia te auraa no teie mau parau *"hoê tau, na tau e te hoê tau vaehaa?"*

E tamata na tatou i te hi'o i te irava 6 no taua Apokalupo pene 12 ra, e tano faahou â tatou i te mau parau i faahitihia i te irava 14 o taua pene ihora. Inaha hoi i roto i taua na irava nei, te parauhia ra no te hoê vahine tei reva i te medebara, te hoê vahi i faaineinehia e te Atua, ia faa-amuhia oia, to te irava matamua, irava 6 *"hoê tauatini e piti hanere e ono*

ahuru i te mahana (1.260 mabana)” i to te piti irava 14 “*hoê tau, e piti tau, e hoê tau vaehaa.*”

O teie faahou â te tahi na irava 6 14 tei tuea maitai, no te mea hoê â parau ta raua e parau ra. E tia roa atoa ia tatou ia parau e, “*hoê â*” teie na parau tohu. E nehenehe ia ia tatou ia faatuea ia raua mai teie i muri nei:

“*Hoê tau, e piti tau e hoê tau vaehaa e tia ia - 1.260 mahana*”

E tamata faahou na tatou i te hi'o i te irava 5 o taua Apokalupo pene 13, te na ô maira ia te tai'oraa e, “*E vaha tei horoahia mai no taua puaa ra i te parauraa mai i te parau ahaaha e te faaino, e e mana tei hô-mai-hia mai no na e ia maha'e ahuru i te marama e ia piti tiahapa.*” I hea a'e nei to taton faaroora i te paran no te vaha i te parauraa i te parau faaino? I roto ia i te Daniela 7:8-20, e no te reira e tia ia tatou ia parau e, “*te tara e vaha to'na i te parauraa i te parau rahi (faaino). Te puaa o te Apokalupo 13:5 tei roaa atoa ia'na te vaha ia parau i te parau faaino*” hoê â ia parau inaha hoi i roto i ta'na orama, ua tatara mai Daniela:

“*E te arii hoi no te reira o te parau ia i te parau faaino i tei Teitei ra; e to te Apokalupo ra “E vaha tei horoahia mai no taua puaa ra i te parauraa mai i te parau ahaaha e te faaino “i te Atua” (Apokalupo 13:5-6) Bibilia Farani.*

I muri mai ua parau o Daniela “...*E pau hoi te feia mo'a o tei Teitei ra ia'na... e tuuhia mai hoi ratou i ta'na rima e hoê a'e ra tau, e na tau hoi, e te hoê tau vaehaa.*” te parau atoa ra te Apokalupo 13:5 “...*e mana tei hô-mai-hia mai nona (a hi'o i te irava 7-8) “e ia maha'e ahuru i te marama e ia piti tiahapa”... (42 avae)*

Te ite faahou nei â tatou i teie nei na irava faito hoê, Daniela 7:25, e Apokalupo 13:5. E tia roa atoa hoi ia tatou ia parau e “*hoê â*” raua e no reira e nehenehe atura ia ia taton ia faatuea ia raua mai teie i muri nei:

“*hoê tau, na tau hoi, e te hoê tau vaehaa e tia ia i te - 42 marama*”

E no te mea ua papai a'e nei tatou i te hoê faatuea-
raa i mua a'e nei mai teie atoa, e tia roa ia ia tatou ia parau
faaoti roa e:

Faatueraa matamua: *hoê tau, e piti tau, hoê tau vae-
haa - 1.260 ia mahana*

Faatueraa piti: *hoê tau, e piti tau, hoê tau vae-
haa - 42 ma-*

rama, oia hoi:
*hoê tau, na tau, hoê tau vae-
haa - e 42 ia marama - e*
1.260 ia mahana.

Ia tufa tatou i te numera 42 i te 12 e roaa mai ia e
3 matahiti e 6 avae. E ia tufa tatou i te numera 1.260 i te
30 e roaa mai ia e 42 avae, o ta tatou ia numera matamua.
E ia opere hoi tatou i te numera 1.260 i te 360 e roaa mai ia
e 3 matahiti e 180 mahana. Oia hoi, e 6 avae ra o te afa ia
o te matahiti e 180 mahana ra o te afa atoa ia o te matahiti
e nehenehe roa ia parau e:

*"hoê tau, na tau, e hoê tau vae-
haa e 3 ia matahiti e te
afa," e tia atoa ia pirauhia e:*

*"hoê tau, na tau, e hoê vae-
haa tau - hoê matahiti, e
piti matahiti, afa matahiti.*

Te faaitie nei teie mau parau tohu i te hoê noa iho pa-
rau mau oia hoi, te vairaa o te mana o te poiri varua i nia i
te fenua nei Amosa 8:9-11-12 *"E ia tac i te reira mahana te
na reira maira te Fatu ra o Iehova, e te avatea Vau e ha-
mairi ai i te mahana i raro, e i te maramarama rahi i te ao
ra e haapouri ai Au i te fenua. . . Inaha, te na ô maira te
Fatu ra o Iehova, te fatata maira te tau e hopoi atu ai Vau i
te o'e i nia i te fenua, e ere ra i te o'e maa ore e te hiaai i te
pape i te faaroora râ i te parau a Iehova, e horo hoi te taata
i te tahi miti e te tahi miti, e mai te apatoeran e tae roa tu i
te hitia o te râ, i te horo ra e te hoirua mai, i te imiraa i te
parau a Iehova, e ore roa ra e itea."*

Taua pōiri varua ra, te poia e te poiha i te parau a te Atua, te ite-ore-raa i taua mau parau i moe ra a Iehova, e vai noa ia e ^{tae} amuri noa'tu, ua hope teie nei mau tau ta tatou i faataa a'e nei i roto i ta tatou parau, oia hoi, e 42 mara-ma, oia hoi, e 1.260 mahana (*hoé mahana ra hoé ia matahiti*)

E tupu mau â ia taua TAIVARAA RAHI ra i nia i te fenua e tae noa'tu ua hope 1.260 matahiti.

Te vai atura,

Tehina Tapu

PARAU RII API

To Tatou Orometua.

To tatou oromotua o Rotini (Rodney E. Russell). Ua tae mai oia i teie mau fenua, i te 28 no Atopa 1952. I teie nei ra, te ho'i atu nei oia i te fenua Hawaii, no te faaotiraa i ta'na ohipa Evanelia.

A rave noa'i oia i ta'na ohipa pororaa Evanelia i teie mau fenua, e mea rahi te mau fenua ta'na i tae. Ua tae oia i Takaroa, Takapoto, Hikueru e te tahi atu â mau fenua tuamotu, ua tae atoa oia i te mau mataienaa.

A parahi tumu ai oia i Papeete nei, ua poro haere oia te Evanelia na roto i te mau utuafare, e ua fariihiia oia i te tahi mau utuafare, e ua bapatiso atoa oia i te tahi mau taata no roto mai i teie mau utuafare ta'na i tae.

E te paran atu nei te heheuraa apî e, ia haamaitaihia oe e te Atua, i to oe tereraa.